

歷代 日記叢鈔

學苑出版社

歷代日記叢鈔

第三二冊

日記

二十八日

奉 上諭向來大逆緣坐人犯按律辦理原以其實犯叛逆自應申明憲典用示懲創至比照大逆緣坐人犯則與實犯者不同即如從前徐述夔王錫侯皆因其著作狂悖將家屬子孫遂比照大逆緣坐定擬殊不知文字詩句原可意為軒輊況此等人犯生長本朝自其祖父高曾仰沐深仁厚澤已過數十年豈復繫懷勝國而挾仇抵隙者遂不免藉詞挾制指摘疵瑕是偶以筆墨之不檢至與叛逆同科既開告訐之端復失情法之當着交刑部除實犯大逆應行緣坐無庸查辦外凡比照大逆人犯其家屬子孫

或已經發遣或尚禁囹圄即詳晰查明注寫案由開單具奏候朕核奪降旨欽此

四月朔日

晴以季女病復至海鹽

十五日

復至海鹽遊一咲山本張方洲故迹屢易其主今為曹氏所居僅庭前一隅耳復偕友遊城南書屋即所稱小園也林水翳如極有幽致主人湯姓甚好客

五月朔日

自覲鄉歸過竹房觀項易盦臨韓滉五牛圖

己未

六

初四日

復至武原是日舟中甚熱

午日

過文漁觀竹如意返飲順思堂時舟泊南城濠下與客叔
蘭臺觀劇際晚解纜還小桐溪已四鼓

十一日

清晨將復之武原適四姪自北歸

二十四日

遊硤川雨中過西山清蔭房

二十六日

河莊自北歸 請予反周孝廉客院錄云釋氏教有三曰禪
曰講曰瑜珈而禪之中又有五曰臨濟曰為仰曰雲門曰
曹洞曰法眼今之僧借資衣食而已不知也

六月朔日

乾隆二十三年六月廿又有鳳集于衢州學宮移時向南
飛去不知所之時武林翟晴江為教授未及申聞有詩云
紀歲在戊寅六月二十七晨光初熹微門童叩闥述橫霞
坪上梧桐枝有鳥集止超凡儀雄雞冠綏鸚鵡喙頸蛇領
燕尾鷄鷄其高六尺橫倍之體間黑白章首具五彩姿鳩
鷄鵲鵲千選相追隨初來知自何所但聞群翼鼓風雨聞

己未

五

門遙見兀不鳴眾鳥列侍如環堵

見梁耀北
贅記

初六日

彭龜年讀書吟示子云吾聞讀書人惜氣勝惜金纍纍如
貫珠其聲和且平忽然低復昂似絕反可聽有時靜以嘿
想見細繹深心潛與理會不覺咏嘆淫昨夕汝讀書屬響
驚四隣方其氣盛時聲能亂狂霖倏忽氣已渴口亦遂絕
吟體疲神自昏思慮那得清安能更雋永溫更而知新永
歌詩有味三復意轉精勉汝誦餘且學思深湛詩不甚
工而其教子讀書之法甚可取

初十日

偶聞梁耀北聲記有取梁徐勉傳常恐時人謂我宅或對
何可一日無此君亦未見其工予謂何不云不知今夕是
何年

十五日

汪聖錫與喻玉泉書王晉老不待按脉而知人病

七月朔日丁巳

晚大雨雷電

初三日

大風雨黃昏三姪得一子是夕大雨達旦如風潮

初四日

風雨不止夜雷

初六日

夜雨如注黃昏震電霹靂至半夜方止是夕沈家石橋腐店擊死一驢硃石高陽橋擊死一僵屍 有人從杭州歸云六月二十七日薄暮杭州大風六和塔頂有錢索飛入城中真詫異事

七夕

晚晴有月 沈家石橋腐店買驢磨豆有年矣一日店主忽謂其隣曰將賣此驢叩其故曰夜夢驢欲食我隣笑曰此亂夢無足介意越數日復夢如前又以告隣亦解之如

前至初六日夜分驢忽震死其理真不可解也

八月朔日

陶叟自蕭山寄新刻諸種至

十三日

以哭女詩寄洛溪

中秋日

夜月有雲

二十一日

內子諱日蓋下世已三年矣

九月朔日

己未

九

晴至西湖

初二日

華秋槎郡丞招集望湖樓予以南宋方爐歸東坡先生祠
為祭器是日小峴觀察亦來觀屬即席賦方爐歌時同集
者為仁和宋大梅武康徐飛熊京口楊姑蘇石遠鈞梅

桐鄉汪淮宜吳德旋仲倫

初三日

過太史山舟

初四日

小海拉遊江上遂同訪小方諸山人黃振會稽人輕財

好施嘗建一樓隆冬盛暑必登之有日中未舉炊者往遺之米鄉人德之名其樓曰望烟樓海寧陳氏相傳其先亦有是舉不知前人已_有之見篁村廣會稽風俗賦注

初六日

由杭旋里

重九日

晨雨午後晴

十月朔日

吳雲字玉松乾隆癸丑進士祖貫休寧晉公支名玉堂自左_臺至玉松四十一世今官編修入籍長洲

己未

十

十二日

林寧宗人象濤

元澄

乾若

至

象玉堂支
乾崩後支

十三日

去冬是丙子葬日山中苦雨今日頗晴黃昏率次兒至杭
寓于萊園

十八日

長孫女芸歸于張氏

二十三日

歸小桐溪

二十又日

送象濤乾若兩宗人還休寧 嘗擬于萬蒼山樹梅百本
築萬雪庵于墓側彷彿陳則梁水月故事偶觀秀水吳淡
川詩云願為烏鳥依慈母要種梅花當子孫不禁慨然

十一月朔日

陰

初三日

黃昏宿陶舫為雲溪之遊

初四日

薄暮抵由拳北風殊厲

初五日

己未

十一

吳江南境見舳舻啣尾而過蓋海寧某撫軍樅陽之歸卷也

初六日

晨至松陵訪楊立歐進士 午後抵姑蘇

初七日

呂安字貞九號桴庵蘇州人弱冠補婁縣庠生甲申後棄家學道士號赤隱子習符籙卒年五十四康熙三年也李果為作傳

初八日

晨出虎嘯

初十日

曉抵陽羨走訪任禮堂于思子軒際晚而別

十一日

昧爽解纜入桃溪

十三日

景辰至桃溪晤于墨陽樓

十六日

復至宜城偕禮堂珎為景辰湘筠遊茲園即宗通真觀也
東坡嘗寓于家今尚稱觀巷園親舫凡三層頗極雄
覽諸君復過陶舫觀石田畫卷是夕復與諸君玩月於

己未

三